

CASAMENTO NO TA MUCHA

Cincuenta aña pasa un pareha por casa pa raad na Savaneta den di Emiliano de Cuba, caminda un hende di gobierno tabata bini un biaha pa siman. Mas prome aya e ceremonia tabata tuma luga den school bieu den cura den school bieu den cura di misa. Pa misa nan por a casa pa misa só. Ora esposo of esposa no tabata católico, nan no por a casa den misa mes, pero den sacristía.

Sinta ariba burico nan tabata bay cas pa fiesta cu soppi carne. Tin biaha bez e bruid tabata cana na pia for di Savaneta te na Pos Chiquito, anto cu 20 pareha pa compañe. Den esey tambe hopi cos a cambia.

Podise e unico cos cu no a cambia; casi nunca un bruid no por yega na e ora palabra.

Ta berdad, cu bo ta casa dos bez, ora bo ta casa pa raad y pa misa? Ta berdad, cu casamento pa raad ta e matrimonio mes, mientras cu e ceremonia den misa ta nada mas cu un bendicion di Dios y su Iglesia? Of casamento pa raad ta puro formalidad, mientras cu casamento den misa ta e unico cu tin balor?

Contesta riba e tres pregunta aki mester ta; cu ta trata di un solo casamento, ún realidad, ún entrega na otro y promesa di fidelidad.

Pero pa esun cu tin fe, e realidad aki tin un aspecto mas cu nos ta jama; sacramento, esta señal di presencia di Cristo. Awendia a bini un cambio y cun'e un procesverbaal pa pástor di e parokia (mas o menos un 300 florin) si un pareha casa pa misa prome cu e casa pa raad.

Nos ta bisa; sacramento di matrimonio ta un fuente di gracia. Kico esey ta nifica? Tin bez nos ta lubida cu gracia di Dios ta algo concreto. Un ehempel lo splica kico kier meen:

Ora awa ta jobe despues di hopi tempo di segura, esey ta pa dos plantador e mesun realidad. Tur dos ta keda contento,. Pero esun cu a reza pidi Dios pa awacero, e jobida ta un bendicion di Dios, y e ta bisa cu Dios a scucha su oracion. Asina ta cu un pareha cu ta casa.

Pa cada pareha esey ta un fuente di felicidad y alegria. Pero esun cu ta casa pa misa, ta demostra cu e ta kere, cu e felicidad y alegria aki ta un bendicion di Dios, un regalo di Dios, un realidad cu jama "gracia".

Den sacramento di matrimonio Cristo ta dúna e muhe na e homber, y e homber na e muhe, riba nan palabra "si mi kier". Esey ta e regalo mas bunita di nan bruid.

Asina matrimonio por trece hopi felicidad pa e pareha mes, pa su jiunan y pa e comunidad cu nan ta biba aden. Toch nos no por nenga, cu hopi matrimonio ta fracasa y hasta ta resulta na divorcio. Hopi pareha ta keda desapunta. Na lugar di felicidad nan ta topa cu desilusion. Por ta falta di un bon preparacion? Un bon preparacion kier meen; cu e pareha sa combersa cu otro tocante plannan cu nan tin pensa pa prepara pa cu nan matrimonio y nan felicidad.

Awendia e fracaso den matrimonio ta pa falta verdadero di un bon preparacion y conocimiento di un pa otro, y ta visto cu pa falta di preparacion, e numero di divorcio ta mas hopi awendia cu den nos dushi tempo di antaño.